

Nossa raspada



CORPORAZIUN
EVANGELICA
VALSOT

*Megl ün puogn plain pos co
amenduos mans plains da fadia
e cuorrer davo il vent.*

(Eccl 4,6)

Allegra!

L'equiliber tanter temp liber e lavur es ün grond tema da noss dis. Suvent vain rapportà chi detta üna gronda differenza da la tenuta in quel regard tanter generaziuns. Ils rapreschantants da tschertas annadas füssan lura tuots be exaimpels da diligenza ed oters guardessan impustüt chi nu vessan da lavurar massa bler per lur paja. Ma che füss il dret equiliber? E che fa cha'l temp da lavur paisa daplü o damain? Perche be dad uras nu discurrina: L'Ecclesiast cità survart nu discuorra da ,pos e da lavur', dimpersè da ,pos e da fadia e cuorrer davo il vent'. Güst l'ultima expressiun ans fa incleger ch'el discuorra d'üna actività chi'd es il plü da tuot pel giat, chi metta suot squitsch sainza portar ün resultat. Forsa es quai dimena il factur chi quinta daplü co uras: Cha nossas activitats e nossa lavur ans implischan cun sen, lura as riva eir da far üna jada üna lezcha be repetitiva.

Cun ün cordial salüd,

Vos rav. Christoph Reutlinger.

Pravenda evangelica

7559 Tschlin

tel. 081 866 32 63

www.valsot-ref.ch

Cults divins settember 2026

Dumengia, ils 6 settember

09:30 Ramosch

11:00 Martina

17:00 Tschlin

rav. Christoph Reutlinger

Dumengia, ils 13 settember

09:30 Strada

11:00 Vnà

17:00 Samignun

rav. Christoph Reutlinger

Festa federala, ils 20 settember

09:30 Ramosch

11:00 Tschlin

rav. Christoph Reutlinger

Volver, per plaschair!

Giantar cumünaivel a San Niclà

i'l Cafè sper l'En

Mercurdi, ils 30 settember a partir da las 12:00.

Per plaschair s'annunzchar pro Cilgia Etter:
079 530 70 58

Viadi dals attempats in Bergiaglia

Il viadi dals attempats ha lö ***mardi als 15 settember***
e'ns maina quist on in Bergiaglia.

Davo ün bun giantar a Promontogno scuvrina il Palazzo Castelmur chi spordscha tanter oter ün'exposiziun davart ils pastiziers grischuns partits pell'Europa intera.

Annunzchas (fin als 9 settember) pro Maria Pardeller, numer da telefon 081 866 37 74.

Cuosts: fr. 40.–

Urari dal bus da Koch viadis:

08:00 Martina

08:05 Strada, Cuncalada

08:10 spartavias Seraplana

08:15 Ramosch, plaz

Nus ans allegrain d'üna numerusa partecipaziun!

il consistori e rav. Christoph Reutlinger

Tanter anzas e plets

Il prossem inscunter cun lavuors
a man ha lö

Venderdi, ils 25 settember, a las
14:00 i'l Cafè Plazzin Ramosch.

Tuots sun bainvgnüts!

/il consistori